

Istanbul

CIJENA ARANŽMANA: 625 BAM

POLAZAK: 18.04.2025.

POVRATAK: 21.04.2025.

PROGRAM PUTOVANJA

1. dan (Petak, 18.04.2025.) BiH – Istanbul - Sultanahmet

Sastanak putnika na aerodromu planiran je dva sata prije predviđenog leta. Polijetanje za Istanbul predviđeno je u 10:10 sati, let broj PC251. Po dolasku u Istanbul, organizovan je transfer do hotela, gdje slijedi smještaj i kraći odmor kako biste se osvežili nakon puta.

Za sve zainteresovane, nudimo mogućnost odlaska na fakultativni izlet u historijsko jezgro Istanbula – Sultanahmet. Tokom ovog izleta običi ćemo najpoznatije znamenitosti koje odražavaju veličanstvenu istoriju i bogatu kulturu ovog grada na dva kontinenta, kao park Gulhane, gdje se održava festival lala. Biće to divna prilika da uživamo u prelijepim cvjetnim prizorima i proljetnoj atmosferi. Prva stanica je Palata Topkapi, veličanstvena rezidencija otomanskih sultana od 1465. do 1853. godine, koja i danas čuva neprocjenjivo blago i svjedoči o raskošnoj moći Osmanskog carstva. Potom slijedi posjeta Aja Sofiji, remek-djelu svjetske arhitekture, sagrađenoj između 532. i 537. godine, posvećenoj Kristu kao personifikaciji Svete Mudrosti. Danas se ubraja među najljepše građevine svijeta. Nakon toga, obilazimo Plavu džamiju, poznatu i kao Sultan Ahmetova džamija, simbol Istanbula, prepoznatljivu po više od 20.000 ručno izrađenih plavih pločica iz Iznika koje ukrašavaju njenu unutrašnjost i stvaraju jedinstvenu atmosferu mira i ljepote. Slijedi obilazak Hipodroma, nekadašnjeg centra sportskog i društvenog života Konstantinopolja, gdje su se održavale trke dvokolica i druge svečanosti. Na kraju, posjećujemo Kapali Čaršiju, jednu od najvećih i najstarijih zatvorenih tržnica na svijetu, gdje vas čeka nezaboravno iskustvo kupovine i šarenilo boja, mirisa i ukusa.

Nakon obilaska, predviđeno je slobodno vrijeme za individualne aktivnosti – možete nastaviti istraživati grad, uživati u turskoj kuhinji ili se jednostavno prepustiti atmosferi ovog magičnog mjesta. Povratak u hotel. Noćenje.

2.dan (Subota, 19.04.2025.) Istanbul –Bosforom – Pierr Lotti - Eyup – Balat

Nakon ukusnog doručka u hotelu, započinjemo dan nezaboravnim fakultativnim izletom - krstarenjem magičnim Bosforom. Ova vožnja brodom pružit će vam priliku da doživite Istanbul iz sasvim drugačije perspektive, gdje se spajaju dva kontinenta, Evropa i Azija. Dok lagano plovimo tirkiznim vodama, imat ćete priliku vidjeti veličanstvene palate, luksuzne vile i impozantne mostove koji povezuju obale ovog jedinstvenog grada. Nezaboravan prizor koji će vam ostati urezan u sjećanje! Po završetku krstarenja, krećemo prema jednom od najpoznatijih vidikovaca Istanbula - Pierre Loti. Smješten na uzvišenju s kojeg se pruža spektakularan pogled na Zlatni rog i staru jezgru grada, ovaj vidikovac je idealno mjesto za predah i uživanje u pogledu. Do samog vrha stići ćemo žičarom, što je doživljaj sam po sebi. Na vrhu nas čeka legendarna Pierre Loti kafana, mjesto s dušom i tradicijom. Upravo ovdje je poznati francuski pisac Pierre Loti uživao u turskom čaju i pisao svoja djela, inspirisan ljepotama Istanbula. Imat ćemo kratku pauzu da se i sami prepustimo tom ugođaju, uz šoljicu domaće kafe ili tradicionalnog turskog čaja. Nakon pauze, laganom šetnjom kroz staro osmansko mezarje, spuštamo se prema kvartu Eyup. Ovaj dio grada važi za jedno od najduhovnijih mjesta u Istanbulu, poznat po impozantnoj Eyup Sultan Džamiji, koja privlači hodočasnike iz svih krajeva svijeta. Osjetit ćete posebnu atmosferu ovog kvarta, gdje se miješaju mirisi svježe pripremljene baklave i zvuci ezana koji odjekuju uskim uličicama. Slobodno vrijeme je predviđeno za ručak u nekom od lokalnih restorana, gdje možete isprobati turske specijalitete poput kebaba, pide ili baklave. Također, možete iskoristiti priliku za laganu šetnju i kupovinu suvenira u šarmantnim radnjama. Nakon pauze, nastavljamo prema kvartu Balat, jednom od najautentičnijih i najšarenijih dijelova Istanbula. Ovaj kvart je poznat po svojim starim, vijugavim ulicama, fasadama šarenih kuća, stepenicama u duginim bojama i poznatim ukrasima s kišobranima koji krase ulice. Balat odiše umjetničkom atmosferom, a svaka ulica krije priču i nudi savršenu kulisu za nezaboravne fotografije. Ovdje ćemo napraviti pauzu za kafu u nekoj od simpatičnih lokalnih kafeterija, gdje možete osjetiti duh starog Istanbula, u kombinaciji s modernim umjetničkim izrazima. Nakon uživanja u Balatu, vraćamo se u hotel. Slijedi slobodno vrijeme za vlastite aktivnosti. Možete prošetati gradom, posjetiti obližnje tržnice ili jednostavno odmoriti i sabrati utiske sa ovog bogatog dana. Noćenje.

3.dan (Nedjelja, 20.04.2025.) Istanbul – Sulejmanija – Egipatska pijaca – Taksim

Doručak u hotelu. Nakon doručka, nudimo Vam mogućnost fakultativnog izleta: Pješačka tura + Taksim– idealan način da doživite srce i dušu Istanbula. Našu avanturu započinjemo posjetom jednoj od najpoznatijih i najljepših džamija u Istanbulu – Sulejmaniji, remek-djelu osmanske arhitekture. Tu ćemo vidjeti i turbe slavne Hurem Sultanije. Nakon obilaska, kroz živopisne i uske trgovačke uličice spuštamo se prema čuvenoj Egipatskoj pijaci (Misir čaršiji). Ovdje pravimo kraću pauzu za kupovinu mirisnih začina, turskih slatkiša ili suvenira. Iskoristit ćemo priliku da probate poznate riblje sendviče, pripremljene od svježe ulovljene ribe, neposredno uz Galata most, gdje se spajaju kopno i more. Prelazimo Bosforski most i uspinjemo se žičarom do jedne od najpoznatijih gradskih znamenitosti – Galata kule, odakle se pruža spektakularan pogled na cijeli Istanbul. Šetnja se nastavlja prema čuvenoj Istiklal ulici – najpoznatijoj pješačkoj zoni u Istanbulu, gdje ćete osjetiti puls modernog dijela grada. Ova ulica puna je trgovina, kafića, restorana i historijskih zgrada, a posebnu čar joj daje stari crveni tramvaj koji tuda prolazi. Nakon slobodnog vremena za individualne aktivnosti, povratak u hotel gradskim prijevozom (meetroom Istanbul). Slobodno vrijeme. Noćenje.

4.dan (Subota, 14.02.2025.) Istanbul

Doručak. Nakon doručka, dolazak transfera koji nas vozi prema aerodromu Sabiha Gökçen. Slijede carinske i granične formalnosti. Planirano vrijeme polijetanja je u 12:35h na letu VF271. Po dolasku u Tuzlu, završetak putovanja.

Kraj usluge.

Aranžman uključuje:

- ✓ Avio karta Tuzla – Istanbul – Tuzla
- ✓ Predati prtljag 20 kg
- ✓ Transfer aerodrom – hotel - aerodrom
- ✓ Posjete prema programu putovanja
- ✓ usluge vodiča tokom putovanja
- ✓ 3 noćenja u centru Istanbula sa doručkom

Aranžman ne uključuje:

Polica putničkog zdravstvenog osiguranja za osobe do 60 godina 14 KM

Polica putničkog zdravstvenog osiguranja za osobe preko 60 godina 28 KM

Doplata za jednokrevetnu sobu 150 KM

Obavezna Boravišna komunalna taksa 15 KM.

Krstarenje Bosforom + Pierr Lotti 35 Euro.

Sultanahmet: 15 Euro.

Egipatska pijaca + Taksim : 20 Euro.

REZERVACIJA PUTOVANJA: Prilikom rezervacije putovanja potrebno je dostaviti kopiju pasoša, te uplatiti avans u iznosu od 30% od ukupne cijene aranžmana.

NAPOMENA: Za realizaciju fakultativnih izleta potrebno je minimalno 25 prijavljenih putnika.

NAPOMENA: Cijena aranžmana je kalkulirana na bazi 40 osoba. Ukoliko bude manje prijavljenih, putovanje se može realizovati uz prethodni dogovor sa putnicima o korekciji cijene. Ukoliko dođe do otkazivanja putovanja agencija je dužna obavijestiti sve putnike koji su izvršili rezervaciju 7 dana prije polaska.

UPOZORENJE: Mole se putnici da vode računa o svojim putnim ispravama, novcu i stvarima u toku trajanja aranžmana. Svaki putnik je dužan samostalno provjeriti valjanost svog dokumenata i provjeriti zakonske regulative oko ulaska u RT.

Za ovo putovanje važe Opšti uslovi putovanja turističke agencije Transturist Tuzla.

Tel.: +387 35 320-300, Turistička agencija: 035 249-301, 035 320-311, 035 320-315

E-mail: turizam@transturist.ba web: www.transturist.com

Identifikacijski broj: 4209012330007

Žiro računi: NLB banka dd Tuzla: 1321000107030002